

影刊宋金元明本詞

第二五冊

影刊宋金元明本詞

PDG

景行本松雪

齋樂府一

樂府

浪淘沙

今古幾齊州。華屋山丘。杖藜徐步立芳洲。無主桃花開又落，空使人愁。波上往來舟。萬事悠悠。春風曾見昔人游。只有石橋、下水依舊東流。

太常引

水風吹樹晚蕭蕭。散髮醉吹簫。塵事苦如毛。要洗耳時聽舜韶。舊遊何處。瓊山銀海。宮殿鬱岧峣。誰與共游敖。尚記得仙人子喬。

南鄉子

雲擁髻鬢愁。好在張家燕子樓。稀翠疎紅春欲透。溫柔多。少閑情不自由。歌罷錦纏頭。山下晴波左右流。曲裏吳

音嬌未改障羞一朶夫容滿扇秋

水龍吟次韻程儀父荷花

凌波羅襪生塵翠旂孔蓋凝朝露仙風道骨生香真色人
間誰妬佇立無言長疑遺世飄然輕舉咲陽臺夢裏朝
暮為雲又還為雨 狼藉紅衣脫盡羨芳魂不埋黃土
涉江逕去采菱拾翠携儔嘯侶寶玦空懸明璫偷解相逢
洛浦正臨風歌斷一雙翡翠背人飛去

虞美人

池塘處、生春草芳思紛繚繞醉中時作短歌行無奈夕
陽偏傍小窓明 故園荒迳迷行迹只有山仍碧及今作
樂送春歸莫待春歸去後始知非

江城子賦水仙

水肌綽約態天然澹無言帶蹣躑遮莫人間凡卉避清妍
承露玉杯食沆瀣真合喚水中僊幽香冉冉莫江邊珮
空捐恨誰傳遙夜清霜翠袖怯春寒羅襪凌波歸去晚風
裏二月始

蝶戀花

儂是江南遊冶子烏帽青鞋行樂東風裏落盡楊花春滿
地姜姜芳草愁千里扶上蘭舟人欲醉日暮青山相喚
雙蛾翠萬頃湖光歌扇底一聲催下相思淚

點絳脣

昏曉相催百年窓暗窓明裏人生能幾贏得韶華弊富
貴浮雲休戀青綾被歸與未放懷煙水不受風塵昧

水調歌頭

與魏鶴臺飲夫容洲年成甫用東坡韻見贈走
筆和之時己巳中秋也

行止豈人力萬事撻由天燕南越北鞍馬奔走度流年今
日夫容洲上洗盡平生塵土銀漢溢清寒却憶舊遊處迴
首萬山間會丁亥秋樓故云客無譁君莫舞我欲眠一杯
到手先醉明月為誰圓莫惜頻開笑口只恐便成陳迹樂
事幾人全但願身無恙常對月嬋娟

水調歌頭

和張大經賦盆荷

江湖渺何許歸興浩無邊忽聞數聲水調令我意悠然莫
嘆盆池咫尺移得風煙萬頃來傍小窓前稀疎澹紅翠特
地向人妍華峰頭花十丈藕如舡那知此中佳趣別是

一壺天倒挽碧筒醺酒醉卧綠雲深處雲影自由田夢中
呼一葉散髮看書眠

虞美人

浙江舟中作

潮生潮落何時了
斷送行人老
消沉萬古意無窮
盡在長空
澹、鳥飛中
海門幾點青山小
望極煙波渺
何當駕我
以長風
便欲乘桴浮到日華東

後庭花

清溪一葉舟
夫容兩岸秋
採菱誰家女
歌聲起
莫鷗亂雲
愁滿頭
風雨帶荷葉
歸去休

浣溪沙

李紱固丞相會間贈歌者岳貴貴

滿捧金卮佢唱詞尊前再拜索新詩老夫慚愧髭成絲羅
袖染將脩竹翠粉香吹上小梅枝相逢不似少年時

應

制月中仙

春滿皇州見祥煙擁日初照龍樓宮苑柳映仙仗雲移
金鼎香浮寶光生玉斧聽鳴鳳簫韶樂奏德與和氣游天
生

聖人千載希有祥瑞電繞虹流有雲成五色芝生三秀
四海太平致民物雍熙朝野歌謳千官齊拜舞玉杯進長
生春酒願皇慶萬年

天子與天齊壽

應

制萬年歡

閭闔初開正蒼、曙色天上春迴絳幘雞人時報禁漏頻
催九奏鈞天帝樂

御香惹千官環珮鳴鞘靜嵩岳三呼萬歲聲震如雷殊
方異域盡來滿彤庭貢珎

皇化無外日繞

龍顏雲近絳闌蓬萊四海歡欣鼓舞

聖德過唐虞三代年、宴王母瑤池紫霞長進瓊杯

九日

朝會樂府萬年歡中呂宮

天上春來正陽和布澤斗柄初回一朶祥雲捧日萬象生

輝

帝德光昭四表玉帛盡梯航來會

彤庭敞花覆千官紫霄鴈鷺徘徊仁風徧滿九垓望霓旌緩引寶扇徐開喜動

龍顏和氣靄然交泰九奏簫韶舜樂獸尊舉麒麟香爇

今數億萬斯年

聖主福如天大

皇慶三年三月三日

聖節大宴長壽仙道宮

瑞日當天對絳闌蓬萊非霧非煙翠光霞

禁苑正洲景芳妍綵伏和風細轉

御香飄滿黃金殿喜萬國會朝千官拜舞億垓同歡福
祉如山如川應玉渚流虹璇樞飛電八音奏舜韶慶玉燭

調元歲二

龍輿鳳輦九重春
醉蟠桃宴天下
太平祝吾皇
壽與天地齊年

太常引

弄晴微雨細絲、山色澹無姿
柳絮飛殘荼蘼開罷
青杏已團枝
闌干倚遍人何處
愁聽語黃鸝
寶瑟塵生翠銷香減
天遠鴈書遲

人月圓

一枝仙桂香生玉
消得喚卿、緩歌金縷
輕敲象板傾國傾城
幾時不見紅裙翠袖
多少閑情想應如舊
春山澹澹秋水盈

木蘭花慢

和桂山慶新居韻

愛風流二陸曾共住屋三間筭京洛緇塵平原車騎爭似
身閑一區未輸場子更友于室迺足清歡庭下新松楚
籬邊細菊班班白頭相對且團圞杯酒借朱顏任醉後
長歌笑時開口樂最人寰功名十年一夢記風裘雪帽度
棄乾幸喜歸來健在放懷綠水青山

木蘭花慢

和李箕房韻

愛青山遶縣更山下水縈迴有二老風流故家喬木舊日
亭臺梅花亂零春雪喜相逢置酒藉蒼苔拚却眼迷朱碧
慚無筆瀉瓊瑰徘徊俯仰興懷塵世事本無涯偶乘興
來遊臨流一笑洗盡征埃歸來筭能幾日又青回柳葉燕

重来但願朱顏長在任他花落花開

松雪齋文集卷之十終

松雪翁詞翰妙天下片言隻字入輒

傳玩

公薨幾二十年矣而平生所為詩文

猶未鏤板今從

公子仲穆求假全集與友

原誠鄭君再加校正凡得賦五古詩

一百八十四律詩一百五十絕句一

百四十雜著五序二十記十二碑誌

廿六制誥策題批荅廿五贊十銘一

題跋五樂府二十捲五百三十四并
公行狀謚文一卷目錄一卷合為一
十二卷亟錄諸梓

識者得共觀焉至元後已卯良月十
日花谿沈璜伯玉書

景元本靜
修光生樂
府一齊

